

Vakcinisane osobe bi se trebale pridržavati svih trenutnih preporuka kako bi zaštitile sebe i druge, uključujući:

- **nošenje maske**
- **održavanje fizičke distance najmanje 2 metra od drugih osoba**
- **izbjegavanje većih druženja i okupljanja**
- **često pranje ruku**
- **pridržavanje smjernica i uputa za radno mjesto, školu, javne prostore, putovanja...**

AKO SE VAKCINIŠEM PROTIV COVID-19, KOLIKO VREMENA TREBA PROĆI PRIJE NEGO SMIJEM PRIMITI NEKU DRUGU VAKCINU – NAPRIMJER VAKCINU PROTIV TETANUSA?

Ostale vakcinacije, kao naprimjer vakcinacija protiv tetanusa, trebaju se provoditi u razmaku od minimalno 14 dana prije ili nakon vakcinacije protiv COVID-19 u slučaju korištenja mRNA vakcine. U slučaju vektorske (adenovirusne) vakcine taj je razmak sedam dana. O tome se konsultujte sa nadležnim ljekarom.

POSTOJE LI RIZICI KOD VAKCINACIJE AKO IMAM ALERGIJU NA PENICILIN?

Prethodna alergija na penicilin nije kontraindikacija za vakcinaciju. Samo je potrebna dodatna mjera opreza prilikom aplikacije vakcine.

Najčešća pitanja vezana za COVID-19 vakcinaciju

#SpriječimoŠirenjeCOVID-19



JESU LI LIJEKOVI KOJE UZIMAM/ALERGIJE KOJE IMAM KONTRAINDIKACIJA ZA VAKCINACIJU PROTIV COVID-19?

Preosjetljivost na sastojke vakcine jedina je kontraindikacija za vakcinaciju protiv COVID-19 (naravno, uz opće kontraindikacije – akutna febrilna bolest i teška nuspojava na primjenu prethodne doze te vakcine). Od sastojaka vakcine naglašava se polietilenglikol, koji pokazuje unakrsnu preosjetljivost s polisorbatom. Prema preporukama Američkog centra za kontrolu i prevenciju bolesti (CDC), alergija na antibiotike i druge lijekove nije kontraindikacija za vakcinisanje.




Testiranje na COVID-19 nije uslov za vakcinaciju

SMIJEM LI SE VAKCINISATI AKO SAM IMUNOKOMPROMITOVAN (UZIMAM IMUNOSUPRESIVNU TERAPIJU, ONKOLOŠKI SAM PACIJENT I SL.)?

Osobe s imunokompromitirajućim stanjima ili koje uzimaju imunosupresivne lijekove mogu biti u povećanom riziku od razvoja teške kliničke slike COVID-19 i njenih komplikacija zbog čega se preporučuje vakcinacija ako nemaju kontraindikaciju za vakcinaciju. Međutim, važno je istaknuti da postoji mogućnost smanjenog imunološkog odgovora, tj. mogućnost da će kod imunokompromitovanih osoba učinkovitost vakcine biti niža nego kod imunokompetentnih osoba (osoba s imunim sistemom koji uredno funkcioniše). O optimalnom vremenu vakcinacije protiv COVID-19 savjetujte se sa svojim nadležnim ljekarom, odnosno ljekarom specijalistom, koji ima sveobuhvatan uvid u Vaše zdravstveno stanje, trenutnu terapiju i dosadašnje liječenje.

SMIJU LI SE NA DAN PRIMANJA VAKCINE KORISTITI I DRUGI LIJEKOVI KOJE OSOBA INAČE KORISTI?

Smiju i trebaju: vakcinacija ne utiče na uzimanje redovne terapije.



ŠTA TAČNO MORATE NAGLASITI LJEKARU, ILI MEDICINSKOJ SESTRI PRIJE NEGO ŠTO PRIMITE VAKCINU?

Potrebno je ukazati na prethodne teške alergijske reakcije ili tešku akutnu bolest/infekciju s visokom tjelesnom temperaturom. Ljekar/medicinska sestra će prema datim informacijama zaključiti smijete li se vakcinisati trenutno dostupnom vakcinom ili je vakcinaciju potrebno odgoditi.

Vakcinacija uspješno sprječava hospitalizaciju